



Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 122. Iterata Cardinalium Benedicti ad eum epistola.

[urn:nbn:de:hbz:466:1-66281](https://nbn-resolving.de/urn:nbn:de:hbz:466:1-66281)

rat, ab hac sede deturbarunt; Romani quoque insignia, & Gregorii effigiem ubique dejecerunt, nec ultra eum appella-re Papam Romæ licebat. Nec minus Venetis Concilium Pisis celebrandum probabatur; & Cardinalis Philargius, qui postea sub nomine Alexandri V Papa electus fuit, ad Balthasari Cossæ partes accessit. Tandem Pisis jamjam hære-bant Oratores Franciæ, Siciliæ, Lusita-niæ, Angliæ, Hungariæ, & Poloniæ, qui omnes hanc Synodum omni studio ur-gebant.

Sæcul. XV.
A.C. 1408.

§. CXXII.

Iterata Cardinalium Benedicti ad eum epistola.

Quoniam Benedictus epistolam, qua Cardinales antiquiores eum ad Sy-nodum vocabant, respondere neglexerat, hi ad eundem iteratas expedient literas, quæ Pisis die vigesima quarta Septem-bris datæ fuerunt, Joanne Guiardi Do-ctore, & Pictaviensi Archi-Presbytero il-larum bajulo. His vix non eadem, quæ in primis, petebant Cardinales, tandem declarantes, quod si Concilio intervenire, aut saltem nomine suo quosdam ablegare renueret, tanquam contumax judicaretur, & velut membrum ab Ec-clesiæ

Sæcul. XV. clesiæ corpore abscissum, necnon crimi-
A.C. 1408. nis reus, necquidem Martyrio pro Christi fide tolerato expiandi, habendus esset.

§. CXXIII.

*Benedicti responsoriæ ad suos
Cardinales.*

Spicil. tom.
VI. p. 225.;

His tandem Benedictus acriter stimu-
latus ad eos die decima septima No-
vembris responsorias misit, in quibus, a-
lienus sum, inquit, "ab objecto propaga-
ti schismatis probro, veni enim Savo-
nam, sed Gregorio illuc accedere re-
cusante, ac insuper mihi a Florentinis
& Luccensibus denegato salvo condic-
tū nec Liburnum adire fuit integrum;
Ceterum haud diffiteor, quod ad tu-
tum me locum receperim, interim ta-
men Legatos meos plena ad unionem
efficaci conatu promovendam auctori-
tate munitos mittere, firmiter decrevi,
Genuæ vero Gubernator a Franciæ Le-
gatis inductus eisdem liberi com-
meatus literas expedire detrectavit.
Hac de cauſa inde recedere, ac Con-
cilium Generale Perpiniani indicere
compulsus fui, utpote quæ effet civi-
tas ceteris securior juxta ac vicinior.
Cum autem, prosequitur, ipſemet Pi-
etas adire omnino nequeam, ideo vo-
cando

bis